



Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

Vt nullus presbyter alterius plebesanum eo nolente recipiat. xci.

urn:nbn:de:hbz:466:1-10722

Vt nullus in dominicis diebus genua flectat.

Cap. LXXXVIII.

Quoniam sunt quidā in die dominico genua flectē- *Ex cōcil.*
tes, & in diebus Pentecostes, vt omnia in diuersis *Niceno.*
locis consonanter obseruentur, placuit sancto *cap. 20.*
concilio à Pascha vsque in octauas Pentecostes stantes
domino vota persoluere.

*Vt presbyteri priuatim fidelibus desiderantibus be-
nedicant, & vt omnis presbyter per familias, per
agros, per priuatas domos habeat facultatē
benedictiones aperire. Cap. LXXXIX.*

Vt presbyteri priuatim fidelibus desideratibus bene- *Ex cōcil.*
dicant. Et inter minutas has discussiones, iussum est habitu a-
omni presbytero, per familias, per agros, per priuatas pud *Re-*
domos pro desiderio fidelium habere facultatem benedi- *gl̄. ca. 4.*
ciones aperire.

*Vt presbyteri benedictionem episcopalem super ple-
bem facere non debeant. Cap. XC.*

Benedictionem episcopalem super plebem in Ecclesia *Ex eodē*
fundere, aut pœnitentem in Ecclesia reconciliare, *cap. 47.*
presbytero penitus non licebit.

*Vt nullus presbyter alterius plebesanum eo nolen-
te recipiat. Cap. XCI.*

Vt nullus presbyter alterius plebesanum eo nolente, *Ex concil.*
nisi in itinere fuerit, vel placitum ibi habuerit, ad *Hæneten-*
Missam recipiat. *si, cap. 5.*

*De alterius presbyteri plebesano, de que illis qui litem
implacabilem inter se alunt. Cap. XCII.*

Vt dominicis vel festis diebus presbyteri antequam *Ex eodē,*
Missas celebrent, plebem interrogent, si alterius pa- *cap. 419.*
rochianus in Ecclesia sit, qui proprio contemptu presby-
tero ibi Missam velit audire. Quem si inuenerint, statim
ab Ecclesia eiiciāt, & ad suam parochiam redire compel-
lant. Similiter interrogent, si aliqui discordantes sint, qui
inter se litem implacabilem habeant, & si inuerti fuerint,
statim reconcilientur. Quod si noluerint pacem suscipe-
re, ab Ecclesia eiiciantur vsquequo ad charitatē redeant.
Non enim possumus munus vel oblationem ad altare of-
ferre, nisi prius fratri reconciliemur. His itaq; peractis,
sacerdotes Missarum solennia ritè peragant.